

ONDARROA. Rock taldeek CDa atera dabe eta kontzertua emongo dabe Kafe Antzokian

Gazte Bulegoa zabalduko dabe

Abenduaren 28an jarriko dabe martxan, eta horren inguruan ekitaldi ugari gertatu ditue

Lore Bengoetxea |

Ondarroako Gazte Bulegoa abenduaren 28an zabalduko dabe, Harzubi taberna egoan lekuan. Hori dala eta, Gazte Batzordeak hainbat ekitaldi antolatu ditu datorren hilera, herriko oraingo eta lehengo rock taldeen kontzertua, tartean. Egun batzuk aurrerago, taldeon artean egin daben CDa aurkeztuko dabe.

Iñaki Solabarrieta Gazte Batzordeko buruak onartu daueenez, batzordearen jardueran etena egon da, Gazte Bulegoa martxan ipinteko zereginari begira jarri diralako, batez be. «Legealdi honetako aposturik garrantzitsuenak da, eta emoitzak be laster hasiko gara ikusten», adierazo dau Solabarrietak.

Bide batez, gazte teknikaria hartzeko prozesuak aurrera jarraitzen dau. 47 lagunek emon eben izena, eta euskarako azterketea gantitu dabenek aurrera egin dabe. Datorren astean, gai orokorrak eta zehatzak, praktikea eta psikoteknikoa pasauko ditue.

Hilabeteko ekitaldiak

Abenduaren erdirako postua zeinek beteko dauen erabagiko dabe, eta hilaren 28an egingo da Gazte Bulegoaren inaugurazio ofiziala. Horri begira, hilabeteko ekitaldiak prestatu ditue.

Horreen artean, herriko rock taldeek atera daben CDa nabarmendu dau Solabarrietak. «25 urtean Ondarroako rock musikearen ibilbidean parte hartu dabenek lekua euki dabe», aitatu dau. 26 taldek hartu dabe



EGUNKARIA
Aurreko urteetan modura, aurtan be eski urteerea egingo dabe.

parte, eta bakotzak kanta bana grabau dau. Hilaren 26an egingo dabe aurkezpina.

Zuzenean be entzuteko aukerea emongo dabe, ganera. Hilaren 28an, Gazte bulegoa zabal-

tzen daben egun berean, eszenatokira igongo dira hainbat talde. «Opari ederra dala uste dogu, ze beharbada batzuk ez dabe barriro joko», esan dau Gazte batzordeko arduradunak.

EGITARAUA

ZEMENDIAREN 30A

Pelotea: Esku eta Pala Pelotako Txapelketa Herrikoia finalak jokatu ditue frontoian.

ABENDUAREN 9TIK 13RA

Ikastaroa: Eskilantxarri alkarteak antolatuta, autodefentsa ikastaroa izango da. Hamar orduko ikastaroa da, eta hamar euro ordaindu beharko dira. Izena abenduaren 6rako emon behar da 625 700 350 telefonoan.

ABENDUAREN 14TIK 15ERA

Eski urteerea: Eskizaleek Kantantxun asteburua pasetako aukerea eukiko dabe, merke pasau be. Izena abenduaren 2tik 11ra emon behar da, Zugarramurdi Bidaiek bulegoan. Gogoratu dabenez, plazak mugatuak dira.

ABENDUAREN 16TIK AUERRERA

Ikastaroak: Informatikako sistema eta programen ganeko ikastaroa antolatu dabe, hamar ordu bakotzeko. Danantzako lekurik egongo ez denez, izena al bait arinen emon behar da 625 700 350 telefonoan. Matrikuleagaitik hamar euro ordaindu behar dira.

ABENDUAREN 26AN

CD aurkezpina: Ondarroako rock taldeek egingo daben CDa aurkeztuko dabe.

ABENDUAREN 28AN

18:00etan: Gazte Bulegoaren inaugurazioa egingo dabe. Luntxa emongo dabe, «eta ez da sorpresarik faltan izango».

Gauean: «Ondarroako rock taldeen kontzertu mitikoa» antolatu dabe Inuzente egunerako. Talde honeek parte hartuko dabela ziurtatu dabe: Pater Noster, Enbor, Hazurbaltzak, Deus Ez Jonni Gerriwelt, Paranoia, Piztiak, Asmo Txarrak eta Gominols (Beharbada, Tripi Trapuk be joko dau). Kontzertua Kafe Antzokian izango da.

AMANKOMUNAZGOA

Donostian egun pasa antolatu dabe gazteentzat astebururako

L.B. |

Lea-Artibaiko Amankomunazgoko Droga Gailetako Prebentzino azpibatzaordeak Donostian egun pasa antolatu dau, zapa-turako, eskualdeko 12tik 16 urtera arteko gazteentzat. Urteerea urte amaierako ekitaldien barruan dago.

Donostiara joaten diranek goiza izotz jauregian emongo dabe, eta arratsaldean Warner zinema-ra joango dira. Begirale arduradunak Naturlan abentura kiroletako enpresakoak dira, eta eurekin batera, eskualdeko begirale bolontario gazteak joango dira.

Parte hartu nahi dabenek izena gaurko emon behar dabe Ondarroan (udaletxean, musika plazan, goiko batzorde gelan), Lekeition (Turismo Bulegoan) edo Markinan (Patrokua jauregian). Sei euro ordaindu behar izango ditue.

Antzerkia

Horrezaz ganera, abenduaren 1ean Hiesaren aurkako nazinoarteko eguna dala eta, *Ikutuz ikutu* antzezlanaren emongo dabe Lekeition zementiaren 30ean (19:00etan, Kultur Etxean); Ondarroan, abenduaren 4an (20:00etan Kafe Antzokian), eta 19an, Markinan (19:30ean, Patrokuan). Ana Elordi eta Fede Badiola dira aktoreak, eta sarrerea doan da.

AGENDEA

LEKEITIO

Sahararen aldeko kanpaina:

Aittitta Txiki kultur taldeak botikak batzeko kanpaina hasi dau. Kaxak jarri ditu Kultur Etxean eta herriko hiru botiketan. Batzen dabena Sahara bialduko dabe abenduaren hasieran.

ONDARROA

Erakusketea: Zubi Zahar ikastoleak

Ibilaldiaren historiaren ganeko erakusketea jarri dau, domekara arte. Gaur, 17:30etik 19:30era zabalduko dabe.

2002ko saskibaloitxapelketea:

Abenduaren 13tik 15era jokatu da, eta izena barikurako emon behar da, Apallun.

Literatura lehiaketak: Augustin Zubikarai literatura lehiaketako beharrak abenduaren 20rako emon behar dira, udaletxean.

EHUK bere hezkuntza eskaintzea aurkeztuko dau

L.B. |

Euskal Herriko Unibertsidadeak (EHU) bere hezkuntza eskaintzea aurkeztuko dau, gaur, 17:30etik aurrera, Ondarroa-Lekeitio institutuko BHIko areto nagusian.

Ekitaldia, unibertsidade aurreko ikasleei zuzenduta dago, eta, eurekin batera, baita guraso, orientatzaile eta irakasleei be. «Batzarrean, EHUKo ordezkariak unibertsidadearen ganeko informazioa emongo dabe. Holan, eskaintza akademikoa aurkeztuko dabe, eta unibertsida-

dadera sartzeko emon behar diran pausoak azalduko ditue», argitu dabe.

Herri batetik bestera

Argitu dabenez, beste hainbat ikastetxetan be batzarrak egingo ditue. «Ondarroako aurkezpina Bizkaian egiten dan bigarrena izango da. Atzetik beste ekitaldi batzuk etorriko dira. Esaterako, lurraldean, hamar informazio-saio egongo dira, eta, danetara, Euskal Autonomia Erkidegoko eskualde nagusietan 23 batzar egingo ditugu», adierazo dabe.

Lan istripuak argitzeko ahalegina egingo dabe

L.B. |

Ondarroako Udalak azkenengo hileetan beharrean zebilela hildako arrantzaleen senideei alkartasuna agertu eta laguntzea emotea erabagi dau, «ekonomikoa barruan dala».

Bide batez, kasu bakotxean gertatutakoa argitzeko behar diran bitartekoak jarteko berbea emon dau. «Ganera, lan istripuok argitzeko bide judiziala irekitzen bada, Udala herri akusazio modura aurkeztuko da», nabarmendu dabe. «Arazo sozial handi baten aurrean gaude. Beharra egiten

dogunon gitxienerako ziurtasuna ezin badogu bermatu, zeozar larria gertatzen da gizarte-an», esan dabe.

Testua azkenengo udalbatzarrean eztabaidatu eben. «Beharrean izaten diran istripuek ardura eraginda, bateko eta besteko lagun talde batek aurkeztutako mozinoa da», argitu eban Loren Arko-txa alkateak. EH, EA eta PPK baiezkoa emon eben, eta EAJ-k ez eban botaketan parte hartu. «Udala ez da sartu behar holako gaietan. Hori sindikatuen kontua da», esan eben.